

Prestuhn Dieter F. Uchtdorf

Mwet in Kahsruh Ahkluo ke
Prestuhnsi Se Met



In Ai Sef in Pacl Eng Tuhyak

Pacl fototo somlah ah muhtwacn kiyuck uh, Harriet, ac nga tuh tu ke acn in aksohk se liye aksohk na kahto ma tuhwi uh. Lwen pacna engyeng se, ac eng uh tuhyak uk monun aksohk ma tuhkuh inge, pwacn-wacng aksohk uh kais soko ikwot ikme ac usrusr ke pacl in ai uh.

Ke kuht tu tuni eng tuhyak uh ac lainyacn aksohk uh, nuhnkuhk fohlohklac motko ke pacl in ahkpah utuck oaksohk luhk ah ac ip yohk nga lotwelah we—ac tok luti paeluht sahyac nuh ke ahkpah.

“Nimet kom lain mwe ikwik uh ke pacl eng tuhyak uh,” pa kaks luhk nuh selos ah. “Muhta oakwuck; nimet sol pahkah. Ahksuwohs in siyac lain soko infulwen innek ke yen inai an. Fin kom kuhflah liki innek kom tuhngal an, ahksaye na in ahkpwacyei tuhsruhk ke luhpah fal. Luh-lahlfongi kuhiyacn aksohk okowos an. Muhtwacnglah na eng tuhyak an.”

Mwet pah in ikwik aksohk uh kahlwem lah elos tiac arlac kuh in kutong ma sikyak yohrohlos uh. Elos tiacna kuh in tulokihnyac eng tuhyak uh. Elos tiac kuh in oruh af kuh sno uh in wacngihnlac. Elos tiac kuh in tulokihnyac eng uh kuh in kihfaslah.

Tuhsruhk elos kahlwem pac lah tahfonglac se pa in sahngweng ke eng tuhyak uh kuh eng upac—ac in arlac fohrohti kac. Luhman tuhwi sef ke ohiyac uh tiac arlac sun uh pa in tuhngal innek ohsrihksrihk soko ac sohki nuh ke innek uh arlac suwohs.

Ke nga liye aksohk nuh ke aksohk uh oruh ai lalos uh ac esamwack ke ma nga lotwelah ke yac ma nga utuck aksohk ah, nga motko lah sahp e tiac oasr mwe luti kac nuh ke moul lasr pengana lwen uh.

Kuht tiac kuh in arlac kutong pahkah ma moul uh oakie ke innek lasr uh. Kuhtuh pacl uh ma uh tiac som oacna luhngse lasr uh. Kuht e sahp usrusryak ac ukukyak ke tuhyak luhn ma suhfal, suhlahlahlfongi, sahngweng, suh-pwacr, kuh fohs.

Ke pacl ingo, fihswacsr in srwemlah ke ma nuh kwewa ma som ohnglah uh ac in oraclah fohs lasr uh in ekohs-lah nuhnak lasr uh. Mwe sruhf uh ma in tuni ke moul in srihke suc kuht sun liki na in nuh sin Mwet Lahngo ac fahkwack luhlahlfongi lasr ke ma pwacye.

Tuhsruhk tiac pa innek se ma wo emet in kohllah ke ma upac luhn moul lasr uh.

Oacna ke mwet pah in utuck aksohk uh sang lohacng lal tiac nuh ke eng tuhyak uh tuhsruhk nuh ke infulwacn acn in ai uh ac ahksuwohsye acn in ai uh, na kuht pac enenuh in lohacng yohk nuh ke infulwacn luhlahlfongi lasr—Mwet Lahngo lasr uh, wosasuc Lal, ac plwacn luhn Pahpah tuhmasr Inkuhsrao—ac ke finsrak yohk lasr—pa in fohlohk sef nuh inkuhsrao. Kuht enenuh in luhlahlfongi God ac oruh moul lasr uh in fahsr fal nuh ke moul in srihke luhn mwet tuhma lutlut in pa finsrak lasr uh. Kuht enenuh in lohacng, sang insiyacsr, ac nuhnkwacsr in tuni na in moul fal nuh ke ma kuht etuh muh fal uh.

Fahkwack luhlalhfongi lasr ac luhlalhfongi Pahpah Lucng ke kuht liyacng masap Lal ac use engan ac wo-lacna. Ac ke kuht tu kuh ke innek uh, kuht fah kuhtanglah kain in eng tuhyak nuh kwewa—finne arlac upac—ac fohlohk sef nuh yen sesr inkuhsrao.

Kuh finne yen engyeng uh mwesahs kuh sesseslah ke puhkuhnyeng in tihkuclkucl, ke kuht ekihn mwet tuhma lutlut luhn Jisus Kraist uh, kuht suk met ke tohkohsrahi luhn God ac suwohswohs Lal, in etuh lah kuht fin oruh oacna, ma nuh kwewa sahyac kuht enenuh uh fah ahksro tohkohyang (liye Matthew 6:33).

Mwe luti na yohk srihpac se nuh ke moull!

Ke yohk fortweyucki lasr ke ma upac, toasr, suhlahlalhfongi, ac sahngweng lasr uh, ma uh e upaci yohk liki na met ah. Tuh ke yohk tuni lasr nuh ke finsrak nuh inkuhsrao tok ac nuh ke engan in ukwe innek luhn mwet tuhma lutlut uh—luhngse God, kuhlwacnsuhpuh mwet tuhlan lasr uh—kuht e kuhna in loangwekuhtlac in pacl fosrngah ac eng tuhyak.

Mwet kawuck, eng uh finne upac nuh ke moull lasr facluh, wosasuc luhn Jisus Kraist ac kwacna kahsrh use innek in tuhwi sef ke tohkohsrahi luhn Pahpah Inkuhsrao.

LUTI KE PWENG SE INGE

Prestuhn Uchtdorf el kai nuh sesr in “luhlalhfongi God ac oruh moull lasr uh in fahsr fal nuh ke moull srihke luhn mwet tuhma lutlut in pa finsrak lasr uh.” Motko in siyuck selos suc kom luti an lah fuhkah luhman tu kuh lalos “nuh ke finsrak nuh inkuhsrao tok ac nuh ke engan in ukwe innek luhn mwet tuhma lutlut” ke pacl elos sun ma upac uh. Kom ac kuh in sulii elos in nuhkuh ke kuhtuh innek ma elos kuh in nuhkuh ke fahkwack luhlalhfongi lalos ac ke Kraist in pacl upac ac in sulacrah ke pruhe in kais kuhtuh sang nuhna in ahkwoye moull lalos an.

MWET FUHSR

Pwelucng se nuh ke Fahkwack Luhlalhfongi Luhk

Sel Jennifer Weaver

Ke nga tuh yac 16 ah, kawuck se tuh tuhkuh wi misineri uh nuh lohman ah. Tiac sun mahlwem se ke luti se met ah, kihsen siyuck luhk ah kwewa toplac ke kahlwem. Nga puhlakihn Nguhn Muhtahl fahkwack pwacyeyacn kahs inge nuh sihk ke Fohlohkyak sac. Tiac oacna kuhtwena ma nga puhlakihn met ma, ac nga etuh tuh ma inge nohfohn pwacye.

Ne ohinge, nga puhlakihn yohk na srahngwesr ac lainyac likina met ah. Nga muhkahimtacllah, tohtohlah, ac fohsack. Fin nga oruh ma suwohs uh, efuh kuh nga puhlakihn ma upac na pucspucs? Nga koflah na kahlwem kac lah ma upac nga sun uh ac kahsrweyuc fuhkah. Misineri uh lutiyuc in lalo ac pruhe, finne infulwen lwen in lutlut pacna uh. Ke ma uh upaclac nga ac sang toasr luhn insiyuck ac puhlakihn in pacl sac na insewowo luhn Nguhn.

Wik se nga pacptaislac ah sesseslah ke mwe sruhf. Boss luhk ah muh elac eisyuclac tilac orekma fin nga tiac orekma in ahol fohnohslah mwet se, nga langyak e lohman ono ah ke mihsen kidney, ac pahpah ninac kiyuck ah siyuck nga in tuyak luhkwelos. Ke ma pucspucs koflah kutongyuck, ma sefanna nga kuh in oruh uh pa in forwacng nuh sin Leum.

Nohfohn na sin ma upac ingacn *eklac* ma in ahkwoyeyuc. Elos kahsrweyuc in lotwelah ke mwe luti ke wosasuc uh, suc ahksro nuh sihk sie pwelucng nuh ke fahkwack luhlalhfongi luhk uh.

Mwet sihm sac muhta fin acn Idaho, USA.



Pahyuck Uh Akwucki sin God

Pruhe in luthutkihñ kuhfa inge ac suk in etuh ma in akacsruhi kac. Kahlwemkihnyacñ “Sucu: Sie Mwe Fahkwack nuh fin Facluh” ac ahkyohkye ac ahkinsewowoye luhlahlfongi lowos ke God ac ahkinsewowoye elos suc kowos liyacacng ke forfor luti uh fuhkah? Nuh ke kuhtuh pac ma in etuh, som nuh ke relief society.lds.org.

Luhlahlfongi, Sucu, Kahsruh

Mwet Pahluh, mwet sap, ac mwet kol ahkwot na in “ke fahkwack muhtahllacna lah pahyuck inmahsrlon sie mukul ac sie muhtwacn ma ahkkweyeyucklac sin God ac tuh sucu uh pa yohk srihpac ke plwacn luhn Mwet Oraclah sac.”¹

Elder D. Todd Christofferson ke U luhn Mwet Sap Singucul Luo uh el fahk: “Sucu uh muhsahi-yucklac ke pahyuck luhn mukul se ac muhtwacn se pa use akwuck se ke plwacn luhn God uh in kapwack. . . .

“ . . . Tiac kuht kuh kuhtwena mwet kuh in ekuhllah akwuck in pahyuck uh.”²

Bonnie L. Oscarson, prestuhn luhlahp luhn Muhtwacn Fuhsr, el fahk: “Mwet nuh kwewa, finne elos lolacp kuh pahyuck kuh pihsen tuhlihñ nahtuhlos, kuh na in kahsruh loango plwacn luhn Leum uh ma fwack ke fahkwack ke sucu uh. Fin plwacn uh ma luhn Leum, el ma pac lasr!”³

Elder Christofferson el fahk tahfuh: “Kuhtuh suwos tiac ipeis insewowo luhn pahyuck ke kuhtuh srihpac wi pacna lolacp koflah loh, luhngse luhn ma luhmah oacna,

suhkahpahs luhn mahno kuh sifac, kuh sahngwengkihñ tahfonglac. . . . Kuh kom sahp pahyuckyak, tuh-sruhñ sahflah pahyuck sacn. . . . Kuhtuh suwos suc pahyuck uh koflah isus fahko. . . .

“Ne ohinge, . . . nohfohn na kuh in sang nuh ke ikacklah luhn plwacn wolacna ke kais sie fihl.”⁴

Ma Suhmuhsrah Ituckyang Sahyac

Genesis 2:18–24; 1 Corinthians 11:11; Doctrine and Covenants 49:15–17

Sramsram Moul

Tamuhlwel Larry M. Gibson, el tuh mwet kahsruh se met luhn prestuhñsi luhlahp luhn Mukul Fuhsr, esamwack ke Shirley, ingena el muhtwacn kiyacñ lac, el fahk:

“Nga luhngse kom ke srihpac nga etuh lah kom luhngse Leum yohk likiyuc na.’ . . .

“Top sac tukyucwi. . . .

“ . . . [Ac] Nga ke el in puhlakihñ pacñ nuh kwewa lah nga luhngse Leum yohk liki ma nuh kwewa sahyac.”⁵

Elder David A. Bednar ke U luhn Mwet Sap Singucul Luo el luti lah:

“Tuh Leum Jisus Kraist pa yohkiyak uh ke olwelah ke pahyuck uh. . . . [Luhmahlah] Mwet Lahngo pa sifac ke facn [sie] triangle, wi muhtwacn se ke sie sproasrihk uh ac mukul se ke sproasrihk se sahyac ah. Ingena nuhñkuh ma sikiyak inmahsrlon mukul se ac muhtwacn se ke elos kais sie ac kais kuhtuh na ‘tuhkuh nuh yurin Kraist’ ac srihke in ahksuwohswohsyeyucklac ke El’ (Moroni 10:32). Ke srihpac ac ke Mwet Lahngo, mukul sac ac muhtwacn sac fototoi nuh sie.”⁶

MWE KAHSRUH

1. “Sucu: Sie Mwe Fahkwack nuh fin Facluh,” *Liahona*, Nohfuhmpuh 2010, 129.
2. D. Todd Christofferson, “Why Marriage, Why Family,” *Liahona*, Mei 2015, 52.
3. Bonnie L. Oscarson, “Defenders of the Family Proclamation,” *Liahona*, Mei 2015, 15.
4. D. Todd Christofferson, “Why Marriage, Why Family,” 52.
5. Larry M. Gibson, “Fulfilling Our Eternal Destiny,” *Ensign*, Fepweri 2015, 21–22.
6. David A. Bednar, “Marriage Is Essential to His Eternal Plan,” *Liahona*, Jun 2006, 54.

Nuhñkuh Ma Inge

Ngwac sifacna ac kalweni in orekma upac fuhkah in “tuhkuh nuh yurin Kraist”?